



# Generalna skupština

Distr.: Limited  
20 November 2014

Original: English

*/neslužbeni prevod/*

## 69. sjednica

### Drugi odbor

Stavka dnevnog reda: 21

#### Globalizacija i međuzavisnost

**Austrija, Bosna i Hercegovina, Hrvatska, Kipar, Finska, Gruzija, Njemačka, Grčka, Izrael, Italija, Japan, Lihtenštajn, Litvanija, Luksemburg, Malezija, Maroko, Holandija, Norveška, Portugal, Republika Koreja, Republika Moldavija, Rumunija, Srbija, Slovačka, Španija, Ukrajina i Ujedinjeno Kraljevstvo Velike Britanije i Sjeverne Irske: revidirani nacrt rezolucije**

### **Promoviranje i unaprjeđenje efikasnosti, odgovornosti, efektivnosti i transparentnosti javne uprave jačanjem vrhovnih institucija za reviziju**

*Generalna skupština,*

*Podsjećajući se na rezoluciju 66/209 od 22 decembra 2011. godine,*

*Podsjećajući se nadalje na obaveze koje proizilaze iz ishoda svih značajnijih konferencija i samita Ujedinjenih naroda na polju ekonomskog i društvenog razvoja i zaštite okoliša, uključujući i dokument koji je proizvod UN konferencije o održivom razvoju pod nazivom "Budućnost koju želimo"<sup>1</sup>, Milenijumsku deklaraciju UN-a,<sup>2</sup> proizvod Svjetskog samita 2005. godine,<sup>3</sup> Koncensus iz Monterreya sa Međunarodne konferencije o finansiranju za razvoj,<sup>4</sup> Deklaraciju iz Dohé o finansiranju za razvoj: proizvod Follow-up Međunarodne konferencije o finansiranju za razvoj radi pregleda implementacije Koncensusa iz Monterrey, <sup>5</sup> proizvod plenarne sjednice visokog nivoa Generalne skupštine o Milenijumskim razvojnim ciljevima,<sup>6</sup> kao i proizvod posebnog događaja upriličenog radi*

<sup>1</sup> Rezolucija 66/288

<sup>2</sup> Rezolucija 55/2

<sup>3</sup> Rezolucija 60/1

<sup>4</sup> Izvještaj sa Međunarodne konferencije o finansiranju za razvoj, Monterrey, Meksiko, 18-22 mart 2002.

<sup>5</sup> Rezolucija 63/239, aneks

<sup>6</sup> Rezolucija 65/1

praćenja napretka u ostvarivanju Milenijumskih razvojnih ciljeva,<sup>7</sup> Akcijski program Međunarodne konferencije o stanovništvu i razvoju,<sup>8</sup> ključne mjere za daljnju implementaciju Akcijskog programa Međunarodne konferencije o stanovništvu i razvoju<sup>9</sup> i Deklaraciju iz Pekinga<sup>10</sup> i Akcijske platforme,<sup>11</sup>

*Podsjećajući se nadalje* na rezolucije Generalne skupštine 67/290 od 9. jula 2013. i 68/1 od 20. septembra 2013., i Ministarske deklaracije segmenta visokog nivoa sjednice Ekonomskog i socijalnog vijeća i političkog foruma visokog nivoa o održivom razvoju održanih 2014. godine,

*Podsjećajući se i* na rezoluciju 68/309 od 10. septembra 2014., u kojoj je Skupština pozdravila izvještaj Otvorene radne grupe za Ciljeve održivog razvoja i odlučila da će prijedlog Otvorene radne grupe sadržan u izvještaju biti glavna osnova za integrisanje ciljeva održivog razvoja u post-2015 razvojnu agendu, dok će drugi inputi također biti uzeti u obzir u procesu međuvladinih pregovora na 69. sjednici Generalne skupštine,

*Naglašavajući* potrebu za unaprjeđenjem efikasnosti, odgovornosti, efektivnosti i transparentnosti javne uprave,

*Naglašavajući dalje* da efikasna, odgovorna, efektivna i transparentna javna uprava ima ključnu ulogu u implementaciji međunarodno priznatih razvojnih ciljeva, uključujući i Milenijumske razvojne ciljeve,

*Ističući* potrebu za izgradnjom kapaciteta kao alatom za promoviranje razvoja i pozdravljajući saradnju Ujedinjenih naroda sa Međunarodnom organizacijom vrhovnim institucija za reviziju po ovom pitanju,

1. *Prepoznaje* da vrhovne institucije za reviziju mogu svoje zadatke obavljati objektivno i efektivno jedino ukoliko su nezavisne od subjekata revizije i zaštićene od vanjskog uticaja;
2. *Nadaje prepoznaje* važnu ulogu vrhovnih institucija za reviziju u promoviranju efikasnosti, odgovornosti, efektivnosti i transparentnosti javne uprave, što vodi postizanju nacionalnih razvojnih ciljeva i prioriteta, kao i međunarodno priznatih razvojnih ciljeva;
3. *Sa uvažavanjem konstatira* rad Međunarodne organizacije vrhovnih institucija za reviziju u promoviranju veće efikasnosti, odgovornosti, efektivnosti, transparentnosti i efikasne i efektivne upotrebe javnih resursa za dobrobit građana;
4. *Sa uvažavanjem konstatira i* Limsku deklaraciju o smjernicama za pravila revizije iz 1977<sup>12</sup> i Meksičku deklaraciju o nezavisnosti VRI iz 2007. godine<sup>13</sup> i potiče zemlje članice da primjenjuju, u skladu sa svojim nacionalnim institucionalnim strukturama principe navedene u ovim deklaracijama;
5. Poziva zemlje članice i relevantne institucije Ujedinjenih naroda da nastave i ojačaju saradnju, uključujući i izgradnju kapaciteta, sa Međunarodnom organizacijom vrhovnih institucija za reviziju s ciljem promoviranja dobrog upravljanja na svim nivoima osiguravanjem efikasnosti, odgovornosti, efektivnosti i transparentnosti putem ojačanih vrhovnih institucija za reviziju, uključujući i odgovarajuće unaprjeđenje sistema javnog računovodstva ;
6. *Prepoznaje* ulogu vrhovnih institucija za reviziju u jačanju odgovornosti vlasti za upotrebu resursa i za njihov učinak u postizanju razvojnih ciljeva;

---

<sup>7</sup> Rezolucija 68/6

<sup>8</sup> Izvještaj sa Međunarodne konferencije o stanovništvu i razvoju, Kairo, 5-13 septembar 1994.

<sup>9</sup> Rezolucija S-21/2, aneks

<sup>10</sup> Izvještaj sa Četvrte svjetske konferencije o ženama, Peking, 4-15 septembar 1995.

<sup>11</sup> Ibid., aneks III

<sup>12</sup> Usvojena na IX Kongresu Međunarodne organizacije vrhovnih institucija za reviziju, Lima, 17-26 oktobar 1977.

<sup>13</sup> Usvojena na IXX Kongresu Međunarodne organizacije vrhovnih institucija za reviziju, Mexico City, 5-10 novembar 2007.

7. **Konstatira** interes Međunarodne organizacije vrhovnih institucija za reviziju u Razvojnom programu za period poslije 2015. godine;
  8. Potiče zemlje članice da dužnu pažnju posvete nezavisnosti i izgradnji kapaciteta vrhovnih institucija za reviziju u skladu sa svojim nacionalnim institucionalnim strukturama, kao i unaprjeđenju sistema javnog računovodstva u skladu sa nacionalnim razvojnim planovima u kontekstu razvojnog programa za period poslije 2015. godine;
  9. **Ističe** važnost kontinuirane međunarodne saradnje radi pružanja podrške zemljama u razvoju u izgradnji kapaciteta, znanja i najboljih praksi vezanih za računovodstvo i reviziju javnog sektora.
-